

古神亭在縣西北二十五里初孫策與太史慈過於神亭
即此地也吳志曰太史慈渡河到曲阿見劉繇會孫策至
繇使慈覘輕重獨與一騎卒過于神亭策從騎十二皆韓
當宋謙黃蓋輩也慈便前鬪馬策刺慈馬得慈項上手戟
慈亦得策兜鍪會兩家兵騎來赴遂各解散後策獲慈解
縛捉手曰寧識神亭時邪是時卿得我如何慈曰未可量
也策乃大笑

上元縣繫東北至州本金陵地秦始皇時望氣者云五百
一百八十里年後金陵有都邑之氣故始皇東遊以厭之改其地曰秣
陵塹北山以絕其勢及孫權之稱號自謂當之孫盛以為

始皇逮子孫氏四百三十七載考其曆數猶為未及晉之
渡江乃五百二十六年遂定都焉開皇九年平陳于石頭
城置蔣州以江寧縣屬焉武德三年杜伏威歸化改江寧
為歸化縣九年改為白下縣屬潤州貞觀九年又改白下
為江寧至德二年于縣置江寧郡乾元二年改為昇州兼
置浙西節度使上元二年廢州仍改江寧為上元縣
鍾山在縣西北一十八里按輿地志古金陵山也邑縣之
名由此而立吳大帝時蔣子文發神異于此封文為蔣侯
改山曰蔣山宋復名鍾山梁武于西麓置愛敬寺江表上
已常遊于此為衆山之傑

覆舟山在縣東北十里鍾山西足地形如覆舟故名宋元嘉中改名玄武山以為樂遊苑初柏方作亂使卞範之屯覆舟山西眾餘二萬宋高祖率義師食畢棄其餘糧躬先士卒以擊之範之等一時土崩

牛頭山在縣南四十里山有二峰東西相對名為雙闕晉氏初過江無闕王導指山鑿兩峰即此天闕山

方山在縣東南七十里秦鑿金陵以斷其勢方石山堦居切是所斷之地也

三山在縣西南五十里晉王濬伐吳宿於牛渚部分明日前至三山即此也

四望山在縣西北八里晉溫嶠伐蕪峻于四望山築壘以逼賊是也

蔡洲在縣西十二里江中晉盧循作亂戰士十餘萬舟艦數百里連旗而下宋高祖登石頭以望循軍初循引向新亭公顧左右失色既而迴泊蔡洲公曰此成擒耳俄而循大敗而走

淮水源出縣南華山在丹陽湖屬熱兩縣界西北流經秣陵建康二郡之間入于江初王敦搆亂王導憂將覆族使郭璞筮之璞曰淮水絕王氏滅即此淮也

玄武湖在縣北十里周迴二十五里

姜湖縣東南五里吳張昭所創溉田數十頃周迴七里昭封姜侯故謂之姜湖宋侍為苑

晉故臺城在縣東北五里成帝時蘓峻作亂焚燒宮室都盡溫嶠已下咸議遷都唯王導固爭不許咸和六年使王彬營造七年帝遷于新宮即此城也

揚州故理在縣東百步後漢末又理壽春劉繇為揚州刺史始移理曲阿吳長沙柏王孫策定江東置揚州于建業其州解王敦及王導所創也後會稽王導子於東府城領州故亦號此為西州及隋平陳又于石城置蔣州移揚州于江北之江都焉

丹陽郡故城在縣東南五里初丹陽內史後改為尹

石頭城在縣西四里即楚之金陵城也吳改為石頭城建安十六年吳大帝修築以置財寶軍器有戌吳都賦云戎車盈於石城是也諸葛云鍾山龍盤石城虎踞言其形之險固也

秣陵故縣在縣東南四里本金陵地也秦改為秣陵

湖屬故縣在縣東南七十里

越城在縣南六里本東甌越王所立也吳王濞敗先越此城後保丹徒郭璞行于途中贈白衣人袴褶亦此城也

建康故城在縣南三里建安中改秣陵為建業晉復為秣

陵武帝又分秣陵水北為建業避愍帝諱改名建康東府城在縣東七里其地西則簡文帝為會稽王時邸第東則丞相會稽王道子府謝安薨道子伏領揚州仍先府舍故稱為東府而謂揚州解為西州謝惠連祭真漢君文即因修此府之城牆所為也

輔公祏城在縣東七里其地本齊文惠太子苑地也公祏構亂築以為城其年公祏平城遂毀廢

賀若弼壘在縣北二十里隋平陳弼過江于蔣山龍尾築壘

韓擒虎壘在縣西四里隋平陳樹碑其文薛道衡之詞武

德七年趙郡王^王孝恭平輔公祏樹碑紀功與此碑相對李百藥之詞

吳太帝蔣陵在縣北二十二里

晉元帝睿建平陵明帝紹武平陵成帝衍興平陵並在縣北六里雞籠山

康帝岳崇平陵在縣東北二十里蔣山西南

哀帝不安平陵在縣北六里雞籠山南

簡文帝^並高平陵孝武帝昌明平陵安帝德宗休平陵恭帝德文冲平陵並在縣東北二十里蔣山西南

宋武帝劉裕初陵^亭在縣東北二十二里

文帝義隆長寧陵並在縣東北二十二里蔣山東南
孝武帝駿景陵在縣西南四十里岩山

明帝或高寧陵在縣北十九里幕府山東南

陳武帝霸光萬安陵在縣東三十八里方山西北貞觀十
一年詔百步內禁樵採

文帝舊永寧陵在縣東北四十里蔣山東北

宣帝頊顯寧陵在縣南四十里牛頭山西北

梁昭明太子安陵在縣東北五十四里查硯山

晉王導墓在縣西北十四里幕府山西

謝安墓在縣東南十里石子峒北

句容縣緊東北去漢舊縣也晉元帝興于江左為畿內第

二品縣：有茅山在名句曲以山形似已字故句曲有所

容故號句容

赤山湖在縣南三十五里

茅山在縣東南六十里

竹里山在縣北六十里王塗所經塗甚傾險行者號為翻
車峴山間有長澗高下深阻舊說云似洛陽金谷宋武帝
初起自京口至江乘破栢玄將吳甫之于竹里移檄京師
即此處也

銅冶山在縣北六十五里山出銅鉛歷代採鑄

元和君身元

常州晉陵 開元戶九萬六千四百七十五 鄉一百八十七

禹貢揚州之地春秋時屬吳延陵季子之采邑漢改曰毗

陵晉東海王越請于毘陵元帝以毘諱改為晉陵郡宋齊

因之開皇九年平陳廢郡于常熟縣置常州因縣為名後

割常熟縣入蘓州移常州理于晉陵縣隋亂陷于寇境武

德七年平仍舊置常州

州境東西一百一十二里

八到 西北至上都九十里 東北至上都一千八百八十里

東南至蘇州一百九十里 西南至古宣州五百里 正南至徽州至湖州三百里 西北至潤州一百七十里

貢賦 開元貢 細紵紅紫二色綿布 紙六十張

管縣五 晉陵 武進 江陰 無錫 義興

晉陵縣 郭下 春秋時延陵漢之毘陵也後與郡俱改為晉

陵季札所居也墓在本縣北七十里申浦之西

武進縣 郭下 吳大帝改丹徒為武進晉武復改武進曰丹

徒曲阿別置武進縣于丹陽縣東五十里梁武改武進為

蘭陵入晉陵乘拱二年又析晉陵西界立武進縣于州

江陰縣 緊東南去 本漢毘陵縣之漚陽鄉晉太康二年置

漚陽縣梁敬帝置江陰縣郡開皇九年罷郡縣屬常州

無錫縣 望西北至州 漢舊縣也東三十九里有梅里山吳

大伯葬處

義興縣繫北至州一百二十里一本秦陽羨縣故城在荆溪南晉惠帝時妖賊石冰寇亂楊土縣人周玘創義討冰割吳興之陽羨并長城縣之北鄉為義興郡以表玘功陳廢郡為義興縣

荆溪即周處斬蛟處

蕪州吳郡

開元戶六萬八千九十三元和戶十萬八百八

鄉一百一十八

禹貢揚州之地周時為吳國太伯初置城在今吳縣西北五十里至闔閭遷都于此後為越所并楚滅越而封黃歇于吳秦置會稽縣郡二十六里于吳項羽初起殺會稽太守

殷通即此也漢亦為會稽郡後漢順帝永建四年陽羨令周喜山陰令殷重上書求分為二郡遂割浙江以東為會稽浙江以西為吳郡孫氏創業亦肇跡于此歷晉至陳不改常為吳郡吳興丹陽號為三吳隋開皇九年平陳改為蕪州因姑蘇山為名在州西四十里其上闔閭起臺外郭城云是伍胥所築周四十七里

州境東四百四十一里南四百九十八里西四百八十里北四百三十三里

八到西北至上都二千一百七十里西南至杭州三百七十里南至徽州二百一十里正南微西至湖州二百一十里東北至海三百三十里西北至常州一百九十里

卷二十五

貢賦 開元貢 元和貢 細紵布 白石脂 地床子
吳地床子 三井 絲葛十疋 吳白石脂三十斤

吳縣 吳王闔閭所都秦置縣 海鹽 常熟 崑山

華亭

吳縣 望 郭下 本吳王闔閭所都秦置縣

太湖在縣西南五十里禹貢謂之震澤周禮謂之具區湖
中有山一名洞庭山

武丘山在縣西北八里吳越春秋云闔閭葬于此秦皇鑿
其穴莫知所在孫權穿之亦無所得其鑿處今成深澗
松江在縣南五十里經崑山入海左傳云越伐吳軍于笠

澤即此江

長洲縣 望 郭下 本萬歲通天元年析吳縣置取長洲縣為名

苑在縣西南七十里

嘉興縣 望 北至州一百四十七里 本春秋時長水縣秦為由拳縣漢曰
之吳時有嘉禾生改為禾興縣後以孫皓父名改為嘉興
縣也

海鹽縣 上西北至州一百二十七里 本秦縣漢曰之其後縣城陷為柘

湖移于武原鄉後又陷為當湖移置山傍開皇元年廢縣
北屬杭州武德七年地入嘉興開元五年刺史張庭珪又
奏置

臺灣國家圖書館, NATIONAL CENTRAL LIBRARY, TAIWAN, R.O.C.

常熟縣緊南去州一百里本漢吳縣地梁大同六年置常熟縣武德七年移理海鹽虞城今縣是也

崑山縣緊西去州八十里本秦漢婁縣其城吳子壽夢所築梁分

置信義縣又分信義置崑山縣因縣有崑山故名

華亭縣上西去州二百七十里天寶十年吳郡太守趙居貞奏割崑山

嘉興海鹽三縣置

華亭谷在縣西三十五里陸遜陸抗宅在其側遜封華亭

侯陸機云華亭雀喚此地是也

杭州餘杭開元戶八萬四千二百五十二鄉一百八十八元和戶五萬一千二百七十六

禹貢揚州之域春秋時為吳越二國之境其地本名錢唐

史記去秦始皇東遊至錢塘臨浙江是也漢屬會稽吳志注云西部都尉理所陳禎明中置錢塘郡隋平陳廢郡為

州

州境東五百五十四里

八到西北至上都三千四百里

西南至睦州三百一十五里

東南至歙州四百七十里

西北至宣州四百九十六里

東北至蕪州三百七十里

貢賦元和貢黃藤紙橋黃連緋綾白編絹紋紗

管縣八 錢塘 餘杭 臨安 富陽 於潛 鹽官

新城 唐山

錢塘縣郭下本漢舊縣也錢塘記云昔州境適近流海縣理靈隱山下今餘趾猶存郡議曹華信乃立塘以防海水募有能致土石者即與錢及塘成縣境蒙利乃遷理此地于是改為錢塘按華信漢時為郡議曹據史記始皇至錢塘臨浙江秦時已有此名疑所說為謬隋平陳已後縣頗遷置貞觀四年定于今所

靈隱山在州西北一十七里

界石山在州西南四十九里

浙江在縣南一十二里莊子云浙河即謂浙江蓋取其曲

浙為名

江源自歙州界東北流經界石山又東北經州北理又東北流入于海江濤每日晝夜再上常以月十日二十五日最小月三日十八日極大小則水漸漲不過數尺大則濤湧高至數丈每年八月十八日數百里士女共觀舟人魚子沂濤觸浪謂之美濤

餘杭縣

縣東南去州七十里

本吳地吳興記云秦始皇三十七年將

上會稽塗出此地因立為縣拾舟航于此仍以為名

由拳山晉隱士郭文舉所居傍有由拳村出好藤紙

臨安縣

縣東南去州一百二十八里

本吳大帝分餘杭縣立臨水縣晉

改為臨安隋亂廢置無准垂拱四年巡撫使狄仁傑復奏
置

富陽縣緊東北去州七十三里本漢富春縣屬會稽郡晉孝武太元

中避鄭太后諱改春為陽吳孫堅父子即此縣人縣有王

洲出橋為江東之最今見進供

湖狀山在縣西南五十里甚幽邃重疊險遠每時有擾攘

人皆逃避于此

於于潛縣緊東去州二百里本漢舊縣也縣西有替山因以為名舊

替字無水至隋加水焉武德七年置潛州領于潛臨水二

縣八年廢州縣屬杭州

天目山在縣理地六十里有兩峰一頂各一池左右相對

名曰天目

鹽官縣上東南去州一百三十里本漢舊縣有鹽官吳志云孫權為將

軍陸遜始仕幕府出為屯田都尉即此地也武德七年省

入錢塘縣貞觀四年復置

海水在縣南七里

臨平湖在縣西五十五里溉田三百餘里頃

新城縣上東北去州一百三十二里一本漢富陽縣地永淳元年分富春

西境置

唐山縣中東去州八里漢于潛縣地萬歲通天元年置武隆

縣神龍元年改為唐山縣

湖州 吳興 開元戶六萬一千一百三十三 元和戶四萬三千四百六十七 鄉一百二十三

禹貢揚州之域防風氏之國秦始皇徙越人于此吳歸命

侯置吳興郡梁紹泰初改吳興郡為震州蓋取震澤為名

陳初罷震州復為吳興郡隋平陳廢吳興郡仁壽二年于

縣置湖州

州境 東三百八里 西二百一十三里 南二百四十里 北二百四十里

八到 西北至上都二千二百四十里 西至上都二千二百四十里 東北至蘇州二百一十里 正南至微北至宣州三百七十里 東至常州私陸路三百里 東至杭州私路一百九十里

東至常州私陸路三百里 東至杭州私路一百九十里

貢賦 開元貢 紵布 賦 糙粳米 元和貢 布三十端

管縣五 烏程 長城 安吉 武康 德清

烏程縣 望郭下 本秦舊縣越絕云始皇至會稽徙於越之人

於烏程吳興記云吳景帝封孫皓為烏程侯及皓即位改

葬父和於此遂立為吳興郡

雲溪水一名大溪水一名茗水西南自長城安吉兩縣東

北流至州南與餘不溪水苧溪水合又流入于太湖在州

北三十五里 吳興塘太守沈佳之所建灌田二千餘頃

長城縣 縣南東去 本漢烏程縣地晉武帝太康三年分其

地置長城縣昔闔閭使弟夫緊君此築城狹而長自以為

名

顧山縣西北四十二里貞元已後每歲以進奉顧山紫笋茶役二三萬人累月方畢

若溪水釀酒甚醲俗稱若下酒

安吉縣上東北去州一百四十里本漢故鄣縣地漢靈帝中平二年張

角作亂荆揚尤甚唯此郡守險阻固漢朝嘉之故分立為縣

武康縣上東北去州一百五里本漢烏程餘不鄉之地漢末童謠云

天子當興于東南三餘之間故吳大帝改會稽之餘暨為永興而分餘不鄉置永安縣屬吳興晉平吳改為武康

封山在縣東南十八里即家語云封嶠之山防風氏之國也

德清縣上北去州一百五里天授二年析武康鄉置武原縣景雲二年改為臨溪縣以臨餘不溪也天寶元年又改為德清縣

睦州新定開元戶五萬五千五百一十六元和戶一千五百四十四

禹貢揚州之域春秋時迭入吳越秦屬丹陽郡為歙縣後漢建安十三年吳大帝中即將賀齊討歙縣山賦平定分歙為始新新定黎陽休陽四縣與歙黟凡六縣立新都郡理始新縣晉武帝太康元年改新都為新安郡隋平陳廢新安郡析新安縣置睦州後又改為睦州遂安郡隋氏喪

元末君其志
亂陷于寇賊武德四年討平江華改為州取俗阜人和內
外輯睦為義萬歲通天二年又自新安東移一百六十五
里建德即今州理是

州境東西四百二十里

八到西北至上都三千七百一十五里

西北至東都二千八百一十五里
西北至衡州三百八十里
西北至歙州三百七十里
東南至婺州一百六十里

貢賦開元貢 交務 石筭 篛 紵 絲布

管縣六 建德 桐廬 遂安 清溪 分水

壽昌

建德縣郭上本漢富春縣地吳黃武四年分置建德縣大
業末改為鎮武德四年復改為建德縣

浙江在州南十里又有東陽江東南自婺州界來至州南

注浙江

七里瀨在縣東北十里

桐廬縣縣西南至州一百五里本漢富春縣之桐溪鄉黃武四年分

置桐廬縣以居桐溪地因名桐溪

浙江在縣南一百四十步

桐廬江源出杭州於潛縣界天目山南流至縣東一里合

浙江

嚴子陵釣臺在縣西三十里浙江北岸也

遂安縣上東北去州一百九十里本漢歙縣地吳大帝使賀齊平歙

縣之南鄉安定里置新定縣晉武太康元年改為遂安

白石山在縣西七十里其山出白石英貢目以為名

清溪縣上東去州一百六十五里黃武元年分歙縣東鄉置始新縣晉

改為雉山以縣南有雉山因名之開皇九年併為新安縣

仁壽中復為雉山開元二年改為還淳今改為清溪

新安江自歙州黟縣界流入縣東流入浙江

分水縣上東北至州一百八十五里一本桐廬之西境武德四年置七年

省如意元年改置盛武縣神龍元年復改為分水

壽昌縣中東北至州一百一十里本漢富春縣地吳分立新昌晉太康

元年改為壽昌皇朝因之

元和郡縣志卷第二十五



卷二十七 三兩頁倒
卷二十九 十二頁誤訂在後



元和郡縣志卷第二

江南道二

浙東觀察使

越州

會稽都督府

開元戶十萬七千六百四十五
元和戶二萬六千八百八十五
今為浙東觀察使理所

鄉二百一十
鄉一百四十

管州七 越州 婺州 衢州 處州 温州 台州

明州

管縣三十五 都管戶一十萬四千三百六十七

禹貢揚州之域春秋時為越周禮吳越星紀之分夏少康

先口下系志

卷二十六

一

卷二十七 三兩頁倒
卷二十九 十二頁誤訂在後



元和郡縣志卷第二

江南道二

浙東觀察使

越州

會稽都督府

開元戶十萬七千六百四十五
元和戶二萬六千八百八十五
今為浙東觀察使理所

鄉二百一十
鄉一百四十

管州七 越州 婺州 衢州 處州 温州 台州

明州

管縣三十五 都管戶一十萬四千三百六十七

禹貢揚州之域春秋時為越周禮吳越星紀之分夏少康

先口下系志

卷二十六

一

封少子無餘以奉焉祀號曰于越一國之稱始于茲矣後
 代勾踐稱王與吳王闔閭戰敗之檣音李故城在今嘉興
 夫差立勾踐復伐卒滅之并其地遂渡淮遷都瑯琊朝貢
 周錫命為伯至六代王無疆為楚所滅楚以其地并吳
 立為會稽郡後漢順帝時陽羨令周嘉上書以吳越二國
 周旋一萬一千里以浙江山川險絕求得分置遂分浙江
 以西為吳郡以東為會稽郡自晉至陳又于此置東揚州
 隋平陳改東揚州為吳州大業元年改為越州武德四年
 討平李子通置越州總管六年陷輔公祐七年卒平公祐
 改物管為都督

州境東西南北三百二十里
 八到西北至上都三千五百三十里
 東至明州二百七十五里
 東南至台州四百七十五里
 西南至杭州一百四十里
 西北至發州三百九十里

貢賦開元貢甘橘甘蔗葛根石蜜交梭白紗
 自貞元以後九貢之外別進異文吳綾及花鼓歇單

管縣七 會稽 山陰 諸暨 餘姚 蕭山 上虞

剡縣

會稽縣郭下山陰越之前故靈文國也秦立以為會稽山
 陰漢初為都尉隋平陳改山陰為會稽縣皇朝因之吳越

春秋云禹巡行天下會計修國之道因以會計稽名山仍為地號上陰縣秦舊地也隋改為會稽垂拱二年又割會稽西界別置山陰大曆二年刺史薛蕙訓奏省山陰併會稽七年刺史劉少遊又奏置今復併入會稽宋略云會稽山陰編戶三萬號為天下繁劇

重山大夫種莖處

會稽山在州東南二十里

蘭亭山在州西南一十一里

大海在州四十里

鏡湖後漢永和五年太守馬臻創立鏡湖在會稽山陰西

縣界築塘畜水：高丈餘田又高海丈餘若水少則洩湖

灌田如水多則閉湖洩田中水入海所以無凶年堤塘周

三百一十里都溉田九千頃

山陰縣望同會稽

諸暨縣望東北去州一秦舊縣也界有暨浦諸山因以為

名越王允常所居

鳥帶山在縣北五十里出紫石英

餘姚縣縣西去州一本漢舊縣舜後支庶所封之地舜姚

姓故曰餘姚隋平陳武德四年復立仍置姚州七年廢州

四明山在縣西一百三十里

大海在縣北三十里

蕭山縣縣東北至州一百里本日餘暨吳王弟夫槩邑吳大帝改

曰蕭山以縣西一里蕭山為名

浙江在縣西二十五里 浦陽江在縣南一十五里

上虞縣上西去州九十六里故城西枕上虞江隋平陳廢貞元二年

刺史王審奏置

上虞江在今縣西二十八里北流

剡縣望西北去州一百八十五里漢舊縣故城今縣理西南一十二里

吳賀高為令移理今所隋末陷于李子通武德中以縣為

嵊州六年廢州縣依舊

流入至縣界南合為一謂之東陽江

金華山在縣北二十里赤松子得道處出龍鬚草

義烏縣縣西南至州一百五十一里一本秦烏傷縣也異烏御塊助之烏

口皆傷時以為純孝所感乃于其處立縣曰烏傷武德四

年於縣置緬州縣屬焉又以改烏傷為義烏

永康縣望西北至州一百九里本漢烏傷縣地吳大帝分烏傷之南

界置隋廢武德四年於縣置麗州八年廢州縣屬婺州

東陽縣望西去州一百五十里一本漢烏傷縣地垂拱二年分義烏縣

置取舊東陽縣名也

蘭溪縣縣東南去州五十里咸通五年割金華縣西界置

蘭溪在縣南七里東北流入東陽江

武義縣上北至州五十里天授二年分永康西界為武義縣

浦陽縣上四南至州一百二里天寶十三年分義烏縣北界置

浦陽江在縣西北四十里出葉溪山嶺東入越州諸暨縣

衢州信安開元戶六萬二千二百八十八元和戶一萬七千四百二十六鄉一百二十四

本舊婺州信安縣也武德四年平李子通于信安縣置衢

州以州有三衢山因取為名六年陷輔公柘廢州垂拱二

年復置

州境東西六百一十里南北二百一十五里東南至建州七百里

八到西北至上都三千九百三十五里西至信州二百五十里

天姥山在縣南八里

剡溪出縣西南流入上虞縣界為上虞江

婺州東陽開元戶九萬九千四百九十九元和戶四萬八千三百六鄉一百九十八

禹貢揚州之域春秋時為越州西界素厲會稽郡今之州

界分得會稽郡之烏傷大末二縣之地今本會稽西部

常置都尉孫皓始分會稽置東陽郡陳武帝置縉州開皇

九年隋平陳置婺州蓋取其地於天文為婺女之分野隋

氏喪亂陷于寇境武德四年討平李子通置婺州六年輔

公柘歿州又陷沒七年平定公柘仍置婺州

州境東西三百三里南北四百五十六里

卷二十六

四

四

八到

西北至上都三千九百九十五里

正北至東都三千三百九十里

正北至西至陸州一百六十里

正北至東至越州三百九十里

西至衢州一百九十里

東至處州二百六十里

浦陽

金華縣

郭下本漢烏陽縣地獻帝初平二年分烏傷置長

山縣屬會稽郡隋平陳改為吳寧縣十二年又改為東陽

縣十八年又改為金華縣其長山一名金華故取名焉

東陽江有二源一南自永康縣界流入一東自義烏縣界

東至婺州一百九十里
東南至處州四百五十里

貢賦

開元貢 綿紙 紵布 黃連 葛粉 篔簹 扇 龍鬚蓆

管縣四

信安 常山 龍丘 湏江

信安縣望 郭下本春秋姑蔑之地漢大末縣也獻帝初平三

年分大末立新安縣屬會稽郡晉太康元年以弘農有新

安故改名信安皇朝置州縣屬焉

常山縣上東去州本大末縣也隋初置定陽縣隋末廢咸

亨五年于今縣東四十里置常山縣因縣南有常山為名

廣德二年本道便薛蕙訓奏移此于舊縣西四十里即今

縣是

龍丘縣緊西去州七十二里本春秋姑蔑之地越西部也杜注云今

東陽太末縣越絕書謂之姑嫲州改太末為龍丘曰縣東

龍丘山為名隋末廢貞觀八年又置

湏江縣上北去州九十五里武德四年置衢州分信安縣南境置湏

江縣八年並廢永昌元年秋復置以縣南有湏江溪因以

為名

盈川縣本漢大末縣地如意元年分龍丘西縣

穀水江在縣東南一里

處州縉雲開元戶三萬三千二百七十八鄉七十六

禹貢揚州之域春秋為越國秦滅越置會稽郡後越王無

諸七代孫閩君搖佐漢有功立為東越王都東甌今温州

永嘉縣是也後以甌地為回浦縣屬會稽世祖改回浦為

章安晉立為永嘉郡梁陳因之開皇九年隋平陳改永嘉

為處州十二年又改為括州大業三年復改為永嘉郡武

德四年討平李子通復立括州仍置總管府七年改為都

督府貞觀元年廢府天寶元年為縉雲郡乾元二年復為

括州大曆十四年以與德宗廟諱同音改處州貞元六年

刺史齊抗以舊州湫隘屢有水災北移四里就高原上

州境東西南北八到西北至上都四千二百五十五里西北至婺州二百六十五里

西北至東都三二二九十五里西北至衢州四百五十里

元和君則志

東西水路至温州二百七十里東北至台州四百九十里
西北至建州水路九百里陸路四百九十里

貢賦

元和貢綿紵布麻布樹皮布小綾絲絹綿紬

管縣六

麗水 松陽 縉雲 遂昌 青田 龍泉

麗水縣

郭上本後漢松陽縣地隋平陳乃分松陽縣之東

鄉立括蒼縣取括蒼山為名屬處州後因之不改大曆十

四年改為麗水麗水本名惡溪以其湍流咀嶮九十里間

五十六瀨名為大惡開皇中改為麗水皇朝因之以為縣

名

松陽縣

上東去州一百九十二里本漢回浦縣之地屬會稽後漢分五

此縣有大松樹大十八圍因取為名開皇九年廢十二年

復置皇朝因之

縉雲縣

上西南至州八十五里萬歲登封元年分麗水縣東北界婺

州永康縣南界置回山為名

縉雲山一名仙都一曰縉雲黃帝煉丹于此

遂昌縣

上東去州一百四十里吳赤烏二年分大末縣置平昌縣晉

太康元年改為遂昌武德八年廢景雲二年刺史孔琮復

奏置

青田縣

中西北去州一百五十里本麗水縣之鄉名也景雲二年刺史

孔琮奏于此分置青田縣

青田溪在縣西南一十八里

龍泉縣中東至州三百五十里 乾元二年越州刺史獨孤峻奏割遂

昌松楊二縣置 龍泉湖在縣南二里

溫州永嘉開元戶三萬七千五百五十四 鄉七十八

本漢東會稽東部之地初閩君搖有功于漢封為東甌王

晉大寧中于此置永嘉郡隋廢郡地入處州武德五年杜

伏威歸化于此縣理置東嘉州尋廢六年輔公祐為亂于丹

陽永嘉安固等百姓于華蓋山固守不陷凶黨高宗上元

元年于永嘉縣置溫州

州境東西二百四十里

八到西北至上都四千四百二十五里 西北至處州二百七十里

東至大海八十里

正北微西至台州五百里

西南至福州水陸路相兼一千八百里

貢賦元和貢 鮫魚皮 布 鮫魚皮三十張

管縣四 永嘉 安固 橫陽 樂成

永嘉縣郭下 即漢回浦縣之東甌鄉晉立為縣上元二年

于此置溫州移在州東百八十步

永嘉江一名永寧江在州東三里

華蓋山在州東一里

安固縣上北去州

本漢回浦縣地後漢改回浦為章安吳

分章安于此立羅陽縣少帝改曰安陽晉太康元年更名

安固前上元二年自處州割入溫州

安固山在縣北一里

安固江在縣南一里

橫陽縣上北去州一百五里本晉太康元年分安固南橫嶼屯置隋

平陳廢入安固縣大足元年又分安固縣再置

橫陽山在縣南二百七十里東臨大海

橫陽江在縣南一百里

樂成縣上去州二十四里本漢回浦縣地東晉孝武分永寧縣

置隋廢載初元年復置大海在縣東一十一里

台州臨海

開元戶五萬

鄉一百一十五

禹貢揚州之域春秋時為越地秦并天下置閩中郡漢立

南部都尉本漢之回浦鄉分立為縣楊雄解嘲云東南一

尉西北一矣是也後漢改回浦為章安縣吳大帝時分章

安永寧置臨海郡隋平陳廢郡為臨海縣武德四年討平

李子通於臨海縣置海州五年改海州為台州蓋曰天台

一山為名六年輔公柘叛州從陷沒七年平定公柘仍置

台州

州境東西三百九十三里

八到西北至上都四千五百里

東北至越州四百七十五里

貢賦開元貢 乾姜三百斤 甲香三十斤 鮫魚皮一百張

晉縣五 臨海 唐興 黃岩 樂安 寧海

臨海縣隙郭下本漢回浦縣地後漢更名章安吳分章安置

臨海縣屬會稽武德五年改置台州縣屬焉

臨海江有二水合成一水是始風溪一是樂安溪至州城

西北一十三里合

唐興縣上東南至州一百一十里三國時吳分章安置南始平縣晉武

帝以雍州有始平改為始豐豐肅宗上元二年改為唐興

天台山在縣北一十里

赤城山在縣北六里實為東南之名山

黃岩縣上北去州一百五里前上元二年割臨江南界置

黃岩山在縣西南二百三十里

大海在縣東七十里

樂安縣上東去州一百五里東晉穆帝永和三年分始平南鄉置樂

安縣屬臨海郡歷代因之開皇九年廢武德五年改屬前

上元二年復置於孟溪之側今縣是也

樂安溪原在縣西馮溪山流經縣南又東入臨海縣界

寧海縣上西南去州二百五十里晉穆帝永和三年分會稽之鄞縣置

寧海郡開皇九年廢郡併入章安縣永昌元年於廢縣東

二十里又置載初元年移就縣東二十里

大海在縣東六里

齊和郡其志

一

明州餘姚開元戶四十八十三

右本會稽之鄞縣漢句章縣地也春秋越王句踐平吳徙夫差于甬東帝昭云即句章東浹口外洲是也武德四年於縣立鄞州至八年廢開元二十六年採訪使齊澣奏分越州之鄞縣置明州以境內四在明山為名句章故城在今州西一里

州境東西南北

八到西北至上都三千八百五里

西北至東都二千九百四十五里
西南至越州二百七十五里
東南至大海七十里
貢賦元和貢海肘子橘子紅蝦米鱸子紅蝦鮓烏翅骨

管縣四 鄞縣 奉化 慈溪 象山

鄞縣中郭下本漢舊縣也屬會稽郡隋平陳省入句章武德八年再置仍移理句章城後屬明州

大海在縣東一七百里

翁州入海二百里即春秋所謂甬東越滅吳請吳王居甬東吳王曰孤老矣不能事君王乃縊其洲周環五百里有

良田湖水多麋鹿

奉化縣上北去州六十里本漢之鄞地開元二十六年採訪使齊澣奏置

赤崑山在縣東一十里

元口卽系志

卷二十六

十三

慈溪縣上東南去州七十里本漢鄧縣地開元二十六年齊澣奏置

慈溪縣

慈溪在縣南二十二里

大海在縣北六十里

象山縣中西北至州水陸相兼一百六十里本漢鄆縣地神龍元年監察御

史崔皎奏於寧海縣東界海曲中象山東麓彭姚村置其

縣東至大海二十里南至大海三十五里東北至大海四

十里正北至大海並一十五里唯西南有陸路樓台州寧

海

元和郡縣志卷第二十六

元和郡縣志卷第二十七

江南道三

鄂岳觀察使

鄂州江夏開元戶一萬九千一百九十八 鄉三十三

今為鄂岳觀察理所

管州六 鄂州 沔州 安州 黃州 蘄州 岳州

計縣三十五 都管戶七萬二千二百四十七

禹貢荊州之域春秋時謂之夏汭漢為沙羨之東境自後

漢末謂之夏口亦名魯口吳置督將于此名為魯口屯以

其對魯山岍為名也三國爭衡為吳之要害吳常以重兵



慈溪縣上東南去州七十里本漢鄧縣地開元二十六年齊澣奏置

慈溪縣

慈溪在縣南二十二里

大海在縣北六十里

象山縣中西北至州水陸相兼一百六十里本漢鄆縣地神龍元年監察御

史崔皎奏於寧海縣東界海曲中象山東麓彭姚村置其

縣東至大海二十里南至大海三十五里東北至大海四

十里正北至大海並一十五里唯西南有陸路樓台州寧

海

元和郡縣志卷第二十六

元和郡縣志卷第二十七

江南道三

鄂岳觀察使

鄂州江夏開元戶一萬九千一百九十八 鄉三十三
元初戶三萬八千六百十八 鄉三十七

今為鄂岳觀察理所

管州六 鄂州 沔州 安州 黃州 蘄州 岳州

計縣三十五 都管戶七萬二千二百四十七

禹貢荊州之域春秋時謂之夏汭漢為沙羨之東境自後

漢末謂之夏口亦名魯口吳置督將于此名為魯口屯以

其對魯山岍為名也三國爭衡為吳之要害吳常以重兵

鎮之魏明帝問司馬懿曰二虜宜討何者為先對曰吳以中國不習水戰故敢散東閩凡攻敵必扼其喉春其心夏口東閩敵之心喉若陸軍以向曉引權東下為水軍向夏口乘其虛而擊之此神兵從天而墜晉庾翼為荊州曾理於此義熙初劉毅表以為夏口二州之中地居形要控接湘州邊帶漢沔請荊州刺史劉道規鎮夏口即今州理是也至六年自臨漳徙理夏口即今州理是也宋孝武以方鎮太重分荆湘江三州之八郡為鄂州以分上流之勢隋平陳改鄂州為鄂州城本夏口城吳黃武二年城江夏以安屯戍地也城西臨大江西南角因磯為樓名黃雀樓

永興縣 縣西北至州四百里 本漢鄂縣地吳大帝分立新陽縣隋開皇九年改為富川十八年改為永興縣

石鼓山在縣西北六十里上有三石鼓、鳴即天雨

大江水在縣西北四十五里

下雉故縣在縣東南一百四十里漢伍被謂淮南王安曰守下雉之城絕豫章之口是也

陳永興故縣城東五十里東臨江水俗云伍子胥所築武昌縣 縣西至州一百七十里 舊名鄂本楚熊渠封中子紅于此稱王至今武昌人事鄂王神是也離騷云乘鄂渚而反顧漢以為縣屬江夏郡武帝以封姊號鄂邑長公主建安二十

五年吳大帝以下雉尋陽新城柴桑沙羨武昌六縣為武昌郡黃武初自建業徙都廢黃龍九年於此即尊位還都建業皇太子登留守武昌以陸遜輔之嘉禾元年太子還建業立皇子奮為齊王居武昌諸葛恪不欲諸生處江濱兵馬之地徙居豫章甘露元年歸命侯又都之揚土百姓沂沔供給以為患苦陸凱上疏曰武昌土地寔危險而楛确非王都安國養人之處且童謠言寧飲建業水不食武昌魚寧還建業死不止武昌居於是還都建業改為江夏縣後為武昌

樊山在縣西三里謝元暉詩曰釣臺臨講閣樊山開廣宴

三國時黃祖為太守吳遣凌統攻而擒之彌衡遇害亦此地也東南角樓名焦度樓宋沈攸之自荊州稱兵至此時焦度領兵在此城守東南角攸之攻之不克遂退走同名

焦度樓

州境東西北至四百七十四里
南西北至三百八十八里
西至江州六百二十里
東至江州六百二十里
西北至江州六百二十里
西至沔州隔江七百里
西南至岳州五百一十里
西北至安州二百九十里
西北至微東至黃州二百里

八到

貢賦

開元貢
元和貢

銀

銀

銀

紵布

管縣五 江夏 永興 武昌 唐年蒲圻

江夏縣望郭下本漢沙羨縣地屬江夏郡東晉以汝南流入

偏立汝南郡後改為汝南縣開皇九年改為江夏縣屬鄂

州

黃鶴山在縣東九里

江水西南自蒲圻縣界流入又北對崢嶸洲劉毅破栢玄
於此又北流經黃軍浦相傳吳將黃蓋屯軍處曹公城在
縣東北二里梁武起義遣將曹景宗所築頭陀寺在縣東

南二里

鸚鵡洲在縣西南二里

謂此也

西塞山在縣東八十五里竦峭臨江

孫權故都城在縣一里餘本漢將灌嬰所築晉陶侃桓溫
為刺史並理其地

唐年縣上西至州六百里本漢沙羨縣地天寶二年分置唐年

縣

葛仙山在縣北六十里

壺頭山在縣東北六十里

下烏故縣西南一百六里因雋水為名

蒲圻縣上東北至州四百里本漢沙羨縣也晉武帝改為沙陽今

縣一里沙陽故縣城是也吳大帝分立蒲圻縣回蒲圻湖
為名本屬長沙郡隋割屬鄂州

赤壁山在縣西一百二十里北臨大江其北岬即烏林興
赤壁相對即周瑜用黃蓋策焚曹公舟船敗走處故諸葛
亮論曹公危於烏林是也

雋水源出縣東南

大嶠水西北流入江

蒲圻湖在縣南七十五里

呂蒙城在縣西南八十里孫權以蒙為橫野將軍為周瑜
破曹公定荊州於此鎮守

沔州

漢陽 開元戶五千二百八十六
元和戶二千二百六十一

鄉十二

本漢安陸縣地晉於今州西臨嶂山下置託陽縣江夏郡
自上昶城移理焉後郡又移理夏口託陽縣屬郡下不改
入陳廢隋開皇九年置成十七年廢成改置漢津縣屬
沔陽郡大業二年改為漢陽縣武德四年分沔陽郡於漢
陽縣置沔州及縣並自臨嶂山下散移於今理

州境

東西二百五十二里
南北二百四十六里

八到

西至上都二千二百五十里

東渡江至鄂州七里

西至復州

東陵縣三百四十里

西北至隨州四百三十五里

西至復州

東陵縣三百四十里

西北至安州二百八十里

西取銅

據路至復州四百六十里東北至黃州二百二十里

貢賦

開元貢 白紵布一端
元和貢 麻紵布一疋

管縣二 漢陽 汶川

漢陽縣郭中下縣本末已具州序

魯山一名大別山在縣東北一百步其山前枕蜀江北帶

漢水山上有吳將魯肅神祠 臨嶂山在縣西六十里

大江水南自復州沔陽縣界流入去縣東二十步東北流入黃州界

漢水一名沔水西自汶川縣界流入漢

沔陽縣因此水為名

却月故城在縣北三里劉表將黃祖所守處

汶川縣中東至州一百五十里一本漢陽縣地武德四年分置汶川縣

因汶水為名也

內方山在縣南九十里

小別山在縣東南五十里春秋吳伐楚令尹子常濟漢而

陣自小別至於大別即此也

汶川水在縣南二里西北自鄂州界流入

赤壁草市在縣西八十里古今地書多言此是曹公敗處

今按三國志劉表卒其子琮代立在襄陽劉備屯樊琮降

曹公備隨南走曹公以江陵有軍寡恐備先據得之自當

陽倍道追備一日夜行三百里遂克江陵又自江陵追備

至巴丘遂至赤壁孫權遣周瑜程普各領兵萬人與劉備

來敵曹公曹公過遇于赤壁回風縱火曹公大敗遂取華容道步歸退保南郡瑜等復追之曹公留曹仁守江陵自徐北歸據此而言則赤壁不在汙川也何則曹公既從江陵水軍至巴丘赤壁又在巴丘之下軍敗引還南郡周瑜水軍退並是大江之中與汙川殊為乖謬蓋是側近居人見岬岬赤色因呼為赤壁非曹公敗處也

安州

安陸中府

開元戶二萬二千二百一十八

元和戶一千八百一十八

鄉三十五

鄉三十五

鄉三十五

鄉三十五

鄉三十五

鄉三十五

鄉三十五

春秋時鄣國後為楚所滅漢為安陸縣高帝六年分南郡置江夏郡于此領縣二十四後漢移理沙羨曹魏齊王芳時王基為荊州自城上視江夏郡理之以逼夏口在今

州西北五十三里上昶故城是也江夏郡自後漢末當吳魏二國之境永嘉南遷後又當符秦名趙與東晉犬牙為界自後魏周隋與宋齊梁陳交爭之地故江夏前史所載或移于沙羨或移于上昶或移理魯山城南北二朝兩置江夏郡吳理武昌曹魏與晉俱理安陸故漢所理江夏郡前書多言在安陸其雲夢縣東南四里滄水之北有江夏古城周所理據山川言之此城近夏水餘址寬大則前漢江夏郡所理也宋武帝分江夏置安陸郡後魏大統十年

改為安州

州境東西二百一十九里南北三百二十五里

八到

西北至上都一千九百七十里

東至黃州三百一十里

西北至東都一千一百六十里

西至鄂州三百二十里

東北至隨州一百五十五里

西南至復州三百二十里

貢賦

開元貢 紵布一十八疋 元和貢 紵布一十疋

賦 綿紵

管縣六

安陸 應山 雲夢 孝昌 吉陽 應城

安陸縣

郭上本漢舊縣屬江夏郡隋改屬安州其城三重

西枕澗水

陪尾山一名橫山在縣北六十里禹貢云熊耳外方桐柏至于陪尾即此也

澗水故清發水也西北自隨州流入注于沔謂之鄖口春秋吳敗楚于柏舉從之及于清發是也

雲夢澤在縣南五十里史記司馬相如傳云楚有七澤其小者名雲夢方九百里左傳云邾之子女弃子于夢中無雲字云楚子濟江入雲中復無夢字以此推之則雲夢二澤本自別矣而禹貢及尔雅皆曰雲夢者盖雙舉二澤而言之故後代以來通名一事故左傳曰畋於江南之雲夢也

應山縣 中南至州一百八里水漢隋縣地梁大同以隨州北界應山成置應州又分隋縣置永陽縣開皇十八年改永陽為應山縣

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

石龍山在縣東北二十五里有石盤回屈曲若龍形

澧山関曰古澧山縣為名武德八年縣廢即齊志所謂武陽関也在州東北二百四十里在縣東北一百三十里北至申州一百五十里

百雁関按圖經云昔有雁息其上故以為名在州東北二百里在縣北九十里北至申州九十里東至澧山関一百里

平靖関因古平靖縣為名後魏大統十七年置隋大業二年廢齊志云義陽有三関此則其一在州北一百七十里在縣北六十五里北至申州九十里東至百雁関一百六十里

雲夢縣 中北至州七十里 本漢安陸縣地後魏大統末於雲夢古城置雲夢縣

雲夢澤在縣西七里事見上

孝昌縣 中西北至州 本漢安陸縣地宋於此置孝昌縣屬江

夏郡隋改安州也

吉陽縣 中西至州一百三十里 本漢安陸地梁於此置平陽縣其故城今理是也西魏改為京池縣隋大業二年改為吉陽曰縣北吉陽山為名

應城縣 中東北至州八十里 本漢安陸縣地宋於此置應城縣

故浮城縣在縣西北三十五里即古蒲騷城也左傳莫敖

元初郡縣志
狃于蒲騷之後後鄭人軍于蒲騷是也後魏於此置浮城縣

隋廢

孔山故城在縣東北一百二十里

平靖故城在縣西四十里

吉陽故城在縣北五十里

黃州

齊安 開元戶一萬三千七十三 元和戶五千五百四十四

鄉二十八

本春秋時戰國之地後又為黃國之境戰國屬楚秦屬南
郡二漢為江夏郡西陵縣地魏為重鎮文帝黃初中吳先
揚言欲攻于江北豫州刺史滿寵度其必襲西陽遂先為
之備權聞之尋亦退還後吳克邾城使陸遜以三萬人城

而守之至晉為西陽國封子弟為王蕭齊于此置齊安郡

開皇三年罷郡置黃州曰古黃國為名也

州境東西二百一十里 南北三百三十七里

八到西北至上都二千二百八十里 西北至東都一千四百七十里 東南至蕪州二百三十里 西南至鄂州二百三十里

西至安州三百六十里 北至光州三百六十里 南至大江一百步

貢賦

開元貢 紵貨布十疋

賦 絹布線麻

管縣三 黃岡 黃陂 麻城

黃岡縣

上郭下本漢西陵縣地故城在今縣西二里蕭齊於

此置齊安縣開皇十八年改為黃岡曰縣東黃岡為名

大江水西自黃陂縣界流入經州南一百二十八里東入

元和郡縣志

蘄州界

故邾城在縣東南一百二十里古邾國也後為楚所滅漢以為縣

西陽故城在縣東南一百三十里漢縣也屬江夏郡

大活故城在縣北二百三十五里隋于此置關鎮

黃陂縣中東北至州一百二十里本漢西陵縣地三國時劉表為荊州

刺史以此地當江漢之口懼吳侵軼建安中使黃祖於此

築城鎮遏因名黃城鎮周大象元年改鎮為南司州并置

黃陂縣隋初改為鎮後復為縣

白沙關西至大關六十里在州西二百四十九里北至光

州界二十五里

大活關東北至光州二百八里西至安州澧山關一百里

在縣北二百里

大江水在縣南一百二十九里西南自江夏縣界流入又

東入黃岡縣界

武湖在縣南四十九里黃祖閱武習戰之所後宋謝晦舉

兵叛為檀道濟所破賊走武湖戍生執之即此地也

龍驤水在縣南七十二里相傳晉龍驤將軍王濬率舟師

伐吳屯軍於此

石陽故城在縣西二十三里吳聞魏文帝崩征江夏圍石

陽不尅而還耶此地

安昌故城在縣西南七十里高齊築以捍陳寇

麻城縣中南至州一百一十里一本漢西陵縣地梁於此置信安縣開

皇十八年改為麻城

龜頭山在縣東南八十里舉水之所出也春秋吳楚戰於

栢舉即此地

穆陵閘在縣西北八十八里穆山上

陰山閘北至光州殷城縣二百里在州東北二百一十里

在縣東北一百一里西至穆陵閘一百里

穆陵閘西至白沙閘八十里在州北二百里至光州一百

四十九里在縣西北一百里

蕪州蕪春開元戶二萬六千八百九鄉五十一
元和戶一萬六千四百六十二鄉五十一

禹貢揚州之域春秋戰國並屬九江郡在漢為蕪春縣地

屬江夏郡三國時屬魏使廬江謝奇為蕪春典農屯皖

呂蒙襲擊破之後於吳復置蕪春郡晉孝武帝改曰蕪陽

以鄭太后諱故也高齊于此立齊昌郡後陷于陳改為江

州周平淮南改為蕪州

州境東三百三十九里
南五百五十五里

八到西北至上都二千五百一十里
西北至東都一千七百里
西北至黃州二百三十里
東北至壽州踰大山九百七十里
東北至江州二百五十里
東北至舒州三百七十里

元和君具志

貢賦

開元貢

白細紵布

白紵布一十五疋

管縣四

蘄春

黃梅

蘄水

廣濟

蘄春縣

郭下

本漢舊縣屬江夏郡曰蘄水以為名也晉改為蘄陽開皇十八年復改蘄春縣

蘄水西南經縣三里源出東北大浮山一名蘄山

翻車故城在縣東南八十二里九江王黥布背項籍歸漢

曰築此城在縣東南近翻車水曰以為名

黃梅縣

上西至州一百四十里

一本漢蘄春縣地

隋開皇九年置新蔡

縣屬蘄州仁壽元年改為黃梅縣因縣北黃梅山為名縣

城晉驃騎將軍郭黔所築

大江水在縣南一百里

太子湫在江之岸梁武帝初下建業留丁貴嬪於此生大

子曰以為名

九江故城在縣西南七十里漢九江王黥布所築

蘄水縣

上東南至州七十二里

本漢蘄春縣地宋文帝于此置浣水

縣北齊改為蘭溪鎮武德四年改為縣天寶六年以名重

改蘄水縣

廣濟縣

中西至州五十里

本漢蘄春縣地武德四年以此地衝要

置永寧縣天寶元年以名重改為廣濟

江水在縣南一百二十里

積布山在縣南一百里南臨大江壘石壁立形如積布故以為俗謂之積布磯

岳州巴陵 開元戶九千一百六十五 鄉二十一
元和戶一千五百三十五

本巴丘地古三苗國也史記三苗之國左洞庭右彭蠡春秋及戰國屬楚秦屬長沙郡吳于此置巴陵縣宋文帝又立為巴陵郡梁元帝改為巴州隋開皇九年改為岳州大業三年為羅州武德六年復為岳州

州境東西三百九十一里
南北四百五十里 北至上都二千二百二十五里 南至潭州五百五十里
西至東都一千八百六十五里 西至豐州四百四十里
東至復州沔陽縣五百七十里 東北至鄂州五百五十里

貢賦 開元貢 細紵布 賦麻紵相兼
元和貢 白紵練布 七疋

管縣五 巴陵 華容 湘陰 沅江 昌江

巴陵縣上郭下本漢下雋縣之巴丘地也下雋屬長沙郡故城在今蒲圻縣界吳初巴立置大屯戍使魯肅守之復改

為巴陵縣自晉巴後遂因之蜀志曰西增白帝之兵東益巴丘之戍又周瑜卒於巴丘皆此地也昔羿屠巴蛇於洞庭其骨若陵故曰巴陵

君山在縣西三十里青草湖中昔秦始皇欲入湖觀衡山遇風浪至此山上泊因號為又云湘君所遊止故名之也

大江在縣北五里

巴陵城對三江口岷江為西江澧江為中江湖湘江為南江

彭城洲在縣東北九十四里宋元嘉三年荊州刺史謝晦反臺遣到彥之進討軍次彭城洲彥之軍敗退保隱磯即此處也

侯景浦在縣東北十二里本名三湘浦景既尅建業自統兵西趣荆陝先遣其將宋子仙任約襲郢州湘東王繹令王僧辯拒之景軍大敗燒營退走天監中寶誌道人為符書云起自汝蔡訖于三湘侯景東起于懸瓠汝水之南而敗于巴陵三湘之浦也

洞庭湖在縣西南一里五十步周回二百六十里湖口有一洲名曹公洲曹公征荊州還于巴丘遇疾燒船歎曰郭奉孝在不使孤至此

巴丘湖又名青草湖在縣南七十九里周回二百六十五里俗云即古雲夢澤也

澧湖一名滄湖在縣南十一里爾雅云河水決出還復入者為澧左傳定公四年吳人敗楚于雍澨五戰入郢即此是也

陶侃故城在縣東北八里

華容縣中東至州一百六十里一本漢孱陵縣地吳分置安南縣隋

平陳以縣屬岳州開皇十八年改為華容縣

方臺山在縣南三十二里出雲母往有長四尺者可以為屏風帳時忌有聲响則所得鹿惡

赤渟湖在縣南八十里侯景攻巴陵遣將任約等入湖湘東王使胡僧祐陸法和夜以大艦遏湖口因風縱火鼓譟前賊窮聚湖中俄然崩潰即此也

赤亭故城在縣西南七十里城據絕景原三面臨水極為

阻隘梁湘東王遣胡僧祐據城以擒任約

湘陰縣中下北至州本春秋時羅子國秦為羅縣今縣東

北六十里故羅城是也宋元徽二年分益陽羅湘西三縣

立湘陰縣

玉笥山在縣東北七十五里屈原放逐居此山下而作九

歌馬

湘水南自長沙縣界流入又北入青草湖昔王延壽有異才年二十而得惡夢作夢賦年二十一溺死于湘浦即斯

川也湘水至清雖深五六丈了見底

淪水東北自洪州建昌縣界流入西經入玉笥山又西經

羅國故城為屈潭即屈原懷沙自決之所又西流入于

湘水

舜二妃冢在縣北一百六十三里青草湖上

屈原家在縣北七十一里

沅江縣中下東北至本漢益陽縣地梁元年分置重華縣

隋平陳改為安樂縣開皇末又改為沅江縣

閩州在縣東南五十八里建安二十年縣權以先主得蜀

使求荊州先主言須得涼州相與權患之乃遣呂蒙襲

長沙零陵桂陽三郡先主引兵五萬下公安令關羽入益

陽此州蓋羽屯兵之處故以為名

沅江水西北自龍陽縣界流入與華容縣中分為界

昌江縣中下西北至州從漢分長沙為漢昌縣孫權改為

吳昌縣神龍三年析湘陰于故吳昌城改置昌江縣

汨水在縣東北四十里

元和郡縣志卷第二十七

臺灣國家圖書館 NATIONAL CENTRAL LIBRARY TAIWAN

元和郡縣志卷第二十八

江南道四

江西觀察使 洪州 饒州 虔州 吉州 江州

袁州 信州 撫州

宣歙觀察使 宣州 歙州 池州

洪州 豫章望 開元戶五萬五千四百五十九 都督 元和戶九萬二千一百二十九 鄉九十四 鄉一百一十

今為江南西道觀察理所

管州八 洪州 饒州 虔州 吉州 江州 袁州

信州 撫州

管縣三十八 都管計戶二十九萬三千一百八十



元和郡縣志卷第二十八

江南道四

江西觀察使 洪州 饒州 虔州 吉州 江州

袁州 信州 撫州

宣歙觀察使 宣州 歙州 池州

洪州 豫章望 開元戶五萬五千四百五十九 元和戶九萬二千一百二十九 鄉九十四 鄉一百一十

今為江南西道觀察理所

管州八 洪州 饒州 虔州 吉州 江州 袁州

信州 撫州

管縣三十八 都管計戶二十九萬三千一百八十



禹貢揚州之地春秋時楚之東境吳之西境七國時全為楚地秦滅為九江郡晉惠帝元康二年于郡理立江州晉元帝時江州自豫章移理武昌郡自後或理溢城溢或理尋陽或理牛洲並在湓城側近隋開皇元年平陳置洪州因洪崖井為名武德二年改為提官府七年改都督府

州境東西一千六百一十五里南北一千一百五十六里

八到西北至上都三千八百五里東北至東都二千二百七十五里東至饒州四百四十里西至潭州一千二百三十五里東至撫州二百一十九里北至江州六百三十里

貢賦元和貢元貢葛細葛一十五天丹參旋覆花

管縣七 南昌 高安 新吳 豐城 建昌 武寧

分寧

南昌縣望下漢高六年置隋平陳改為豫章縣寶應元年六月改為鍾陵縣十二月改為南昌縣

高安縣繫東至州一百五十里本漢建城縣武德五年改為高安仍于縣置靖州八年廢州復為縣屬洪州

新吳縣上東至州一百五十里後漢置帝中平中分海昏縣置開皇九年省入建昌武德五年又置舊隸楚今新屬吳故曰新

吳

豐城縣上北至州一百四十七里本漢南昌縣地晉武帝太康元年移

于今縣南四十二里名豐城即是雷孔章得寶劍處也

建昌縣隸北至州一百二十里東三里故海昏城即漢昌邑王賀所

封今縣城則吳太史慈所築

武寧縣上東至州三百六十里長安四年割建昌界置

分寧縣上東南至州六百五十里貞元十六年刺史李異奏分武寧縣

西界置因以名焉

饒州都陽開元戶一萬四千六十二鄉二十九

本秦鄱陽縣也屬九江郡鄱陽記云在揚州巳午之間

孫權分豫章立為鄱陽郡梁承聖二年改為吳州至陳光

大元年省吳州依舊置郡隋開皇九年平陳改鄱陽為饒州

其城即吳芮為番令所居城

永平監置在郭下每歲鑄錢七千貫

州境東西六百五十九里

八到西北至上都三千一百三十里東至西至

貢賦開元貢麩金紵布南至北至

管縣四 鄱陽 餘干 樂平 浮梁

鄱陽縣郭下秦置孫權分豫章置鄱陽郡理于此晉武

帝改為廣晉開皇九年改廣晉為鄱陽以在鄱水之北

故曰鄱陽

餘干縣上東至州一百里漢餘汗縣淮南王云田于餘汗是也縣

因餘汗之水為名開皇九年去水存干名曰餘干

樂平縣上西至州一百四十里一本漢餘汗縣地後漢靈帝于此置樂

平縣南臨安江北接平林曰樂平

銀山在縣東一百四十里每歲出銀十餘萬兩收稅山銀七千兩

浮梁縣上西南至二百二十里武德五年析鄱陽東界新平縣尋

廢開元四年刺史韋玠再置改名新昌天寶元年為改名

曰浮梁每歲出茶七百萬馱稅十五餘萬貫

虔州南康開元戶三萬二千八百三十七鄉五十七

孫權嘉禾五年分廬陵立南部都尉理零都晉武帝太康

三年罷都尉立為南康郡至永和五年移理贛隋開皇九年平陳罷南康郡為虔州大業三年罷虔州復為南康郡武德五年又再置虔州蓋取虔化水為名也

州境東西一千四百三十九里

八到西北至上都四千一百二十五里

東北至東都三千三百一十五里

東至建州一千五百八十五里

西至郴州一千一百一十二里

南至循州一千六百一十四里

北至吉州四百七十四里

貢賦開元貢紵布乾薑

管縣七 贛縣 南康 信豐 大庾 零都 虔化

安遠

贛縣上郭下貢水西南自南康縣來章水東南自寧都縣來
二水至州北合而為一通謂之贛水因為縣名

南康縣上東北至州八十里本漢灌嬰所置南壆也屬豫章郡獻帝

初平二年析南壆置南安縣晉太康五年改為南康

信豐縣上北至州一百九十五里獻帝初平二年分南壆立南安縣晉

武帝改為南康永淳元年析南康更置南寶天寶元年改

為信豐

大庾縣上東北至州二百二十里南康記云前漢南越不賓遣監軍姓

庾討之築城於此因之為名隋以為鎮神龍初廢鎮為縣

寧都縣上西北至州二百七十里漢初所置因寧都水為名

虔化縣上西南至州四百七十六里本漢贛縣地吳寶鼎三年初置新都

晉太康元年改為寧都隋開皇改寧都為虔化

安遠縣上西北至州五百二十里梁大同中于今縣南七十里安遠水

南置安遠縣開皇中廢貞元四年刺史路應重奏分寧

都縣地置

吉州上廬陵開元戶三萬四千四百八十一鄉六十四

本秦廬陵屬九江郡獻帝興平二年分豫章于此置廬陵

郡晉太康中移郡于石陽縣今舊州東北故城是也隋開

皇中改廬陵為吉州有吉州因為名焉

州境東西四百二十里南北六百九十二里

元口下系志 卷二十八

元末君長志

八到 西北至上都三千六百五里

北至東都二千七百九十里

東北至撫州四百五十里

西至衡州九百一十里

南至虔州五百二十里

北至洪州五百七十六里

貢賦 元和貢 白紵布 茶 陟鰲

管縣五 廬陵 安福 永新 太和 新塗

廬陵縣 郭下 本漢石陽縣 晉移郡于此 隋改為州 又改名

石陽縣 為廬陵 因廬水為名

安福縣 上東至州一百二十里 本漢安平縣 後漢改為平都郡 屬廬

陵 吳分置安城郡 隋廢郡為安復縣 武德中改為安福縣

永新縣 上東北至州二百二十里 本漢廬陵縣地 吳歸命侯所置 屬安

城郡 隋開皇中廢 明慶四年又依舊置

太和縣 上北至州一百里 隋開皇九年平陳 分廬陵縣置西昌縣

十年改為太和

新塗縣 上南至州二百七十里 本漢舊縣 豫章南郡尉所居 縣有塗水

因以為名 陳割屬巴山郡 開皇中廢郡 縣屬吉州

江州 潯陽 開元戶二萬一千八百六十五 鄉四十一

元 和戶一萬七千九百四十五 鄉四十九

禹貢揚荆二州之境 揚州云彭蠡既豬 今州南五十二里

彭蠡湖是也 荊州去九江孔殷 今州西北二十五里 九江

是也 然彭蠡以東為揚州界 九江以西屬荊州界 春秋時

為吳之西境 吳後為楚 滅復為楚 地秦屬廬江郡 漢屬淮

南國晉太康十年以荆揚二州疆域曠遠難為統理分豫章鄱陽廬江等郡之地置江州因江水以為名理豫章至惠帝分廬江之潯陽武昌之柴桑置潯陽郡自東晉元帝至蕭齊或理半洲至陳武帝于潯陽置西江州復理豫章文帝天嘉元年省西江州江州自豫章復理潯陽隋文帝平陳置江州總管移理潯城大業三年罷江州為九江郡武德四年詩平林士弘復置江州五年又置總管七年改為都督貞觀二年罷都督府州理城古之潯口城也漢高帝六年灌嬰所築漢建安中孫權經此城權自標地令人掘之正得古井銘云漢六年穎陰侯開井云三百年當塞

後不滿百年當為應運者所開權以為巴瑞井極深大江中風浪井水輒動晉咸和四年後將軍郭默殺平南劉胤叛于此城陶侃討默築以攻之默乃以布囊盛米為壘以

應陶今稱云陶公壘

州境東西五百九十九里
南北一百七十七里
八到西至上都二千七百六十里
西北至東都一千九百五十里
東至宣州一千八百三十里
西至鄂州五百九十三里
南至洪州三百二十五里
北西至蘄州二百八十九里

貢賦開元貢葛生石斛
元和貢碌

管縣三潯陽彭澤都昌